

板

橋

集

板橋集目錄

一編

古今體詩一百八十八首

二編

古今體詩一百五十一首

三編

詞七十七首

四編

道情十首

五編

題畫六十五則

六編

家書一十六通

詩

金

紫瓊崖  
潛人慎郡王題詞

高人妙義不求解  
充腸朽腐同  
魚鱗此情今古誰  
復和跡盡  
混沌驚真掌  
振枯伐萌  
陳厥  
粗浸溪澳  
畝無不無  
按拍遙  
博月殿  
曲走盤  
亂瀟  
蛟宮  
珠  
十載相和  
皆新  
踏夜深  
把

卷論  
穉  
目  
眸  
不  
識  
鳥  
此  
雀  
雄  
妄  
與  
盲  
人  
辨  
烏  
鵲

板橋詩鈔

興化鄭燮克柔氏著

鉅鹿之戰

懷王入關自聳聲楚人太拙秦人虎殺人八萬取  
漢中江邊鬼哭酸風雨項羽提戈來救趙暴雷驚  
雷連天掃巨報君讐子報父殺盡秦兵如殺草戰  
酣氣盛聲喧呼諸侯壁上驚魂遁項王何必爲天  
子只此快戰千古無干姦萬黠藏兇矣曹操朱溫  
盡稱帝何似英雄駿馬與美人烏江過者皆流涕

種菜歌

爲常公延齡作

有明萬歷天啓間時事壞爛生克頑羣賢就戮九  
千歲宮中不復尊龍顏烈皇帝起震而怒練帛一  
條殪凶孺天荒氣敗不可回龜鼎潛移九廟仆蒼  
谷先生閉平嗣屢疏交章稱天意提將白刃守官  
門設盡黃金剛死事都城陷沒走南邦惡孽桐城  
馬貴陽新王夜夜酣春夢戍卒朝朝立曉霜上方  
請劔長號唾忠讜不聞城又破虎口纔離二黠奸  
孤舟欲覆江流大買田種菜作生涯淚落春風迸  
野花嬾尋舊第烏衣巷怕看鍾山日暮霞荷鋤負  
擔爲傭保菜羹糲食隨荒草時供麥飯孝陵前一



聲長爨松楸倒家有賢媛魏國孫甘貧茹苦被柴  
門燒燧昔日鴛鴦錦滌盡從前翡翠痕一畦菜熟  
一畦種時時汲水提春甕玉纖牽斷井邊繩茅棚  
壓匾釵梁鳳幾年瑁璫先生死含飯無資乞鄰里  
天涯有客獨揮金棺衾畫嬰皆周祝人心不死古  
今然欲往金陵問菜田招魂何處孤臣墓萬里春  
風哭杜鵑

題雙美人圖

珮環搖動湘裙冷俏風偷入羅衫領美人相倚借  
餘溫細語無聲親素頸華指尖纖指何許似笑姮

娥無伴侶又似天邊笑薄雲夜寒不得成濃雨

自遣

嗇彼豐茲信不移我于困頓已無辭束狂入世猶  
嫌放學拙論文尚厭奇看月不妨人去盡對花只  
恨酒來遲笑他縑素求書輩又要先生爛醉時

山色

山色清晨望虛無杳靄間直愁和霧散多分遣雲  
攀流水澹然去孤舟隨意遠漁家破蓑笠天肯令  
之間

詩四言

夜殺其人明坐其家處分息事咤衆毋譁主人不  
知託爲腹心無奸不直無淺不深

仁義之言出于聖口奸邪竊似濟欲忘醜播談忠  
孝聲悽淚痛吟誑賢明况汝愚衆

當春不華蓄意待秋秋又不實行將誰尤茸蔓藏  
蛇梧桐噉鳳象分性別各以類貢况汝棘刺鴟鴞  
避之乃思鸞凰槁死不知

求利于地絲泉稼穡求利于天鋤慾植德求利于  
物網罟釣弋求利于人面曲背直有禽其心有獸  
其力詆賢玩愚寢危卧仄天亦汝憐大道不塞

偶然作

英雄何必讀書史直攄血性爲文章不仙不佛不  
賢聖筆墨之外有主張縱橫議論析時事如醫療  
疾進藥方名士之文深莽蒼胸羅萬卷雜霸王用  
之未必得實效崇論閎議多慨慷雕鵠魚鳥逐光  
景風情亦足喜且狂小儒之文何所長抄經摘史  
鉅釘強玩其詞華頗赫爍尋其義味無毫芒第頌  
其師客談說居然拔幟登詞塲初驚既鄙久蕭索  
身存氣盛名先亡輦碑刻石臨大道過者不讀倚  
壞牆嗚呼文章自古通造化息心下意毋躁忙

送友人焦山讀書

焦山須從象山渡參差上下一江樹高枝倒挽行  
雲住低枝搏擊江濤怒枯藤盤拏蛇走壁怪石  
嶒嵬鬼峽路日落煙生江霧昏微茫星火沿江村  
忽然飛鏡出東海萬里一碧開乾坤夜悄山中更  
淒肅鶴鶴無聲千樹禿鄰屋時聞老僧咳山魃遠在  
雲端哭幾年不到大江濱花枝鳥語春復春抱書  
逃爾入山去雙峯覓我題詩處

海陵劉烈婦歌

烈婦夫武舉從左良玉陣亡無後婦誓奉公姑

待其終年即自縊死州人哀之稱爲劉烈婦云  
濕雲壓牕燈欲死少婦停梭拂衣起夜慘心孤倦  
歎臥沙場夢入深圍妻破甲殘旗裹血痕手提敗  
鼓號冤魂自云轉戰身陷沒斷骸漂骨黃河奔倉  
皇躑躅婦驚覺羣大亂吠秋籬根深夜欲啼啼不  
得淚珠迸落羅袂濕抹去胭脂罷曉粧翠翹雲鬢  
無顏色古問傳來敗散軍果然與夢無差分溫言  
錯語慰翁媪幽閨裂破繡羅裙推心一哭數斗血  
紙錢飄去迴秋雲柴門寂寞颺颺關病婦把家門  
戶瘦夜夜寒機達曙光朝朝破井提鴛鴦十畝荒

田歲不收一園花柳空如繡翁設盃歎婦即歿宗  
祀無人妾何立操將皓頸委紅羅要使芳魂覓沙  
磧丈夫死國妻死夫忠義不得轉呼吸一念徘徊  
事則敗包羞泉壤何嗟及至今墳樹晚悲就荒河  
白草秋原高寒鴉孤棲夜不定哀鳴向月求其曹

揚州

蓋舫乘春破曉煙滿城絲管拂榆錢于家養女先  
教曲十里栽花算種田雨過隋堤原不濕風吹紅  
袖欲登仙詞人久已傷頭白酒暖香溫倍悄然  
廿四橋邊草迤荒新開小港透雷塘畫樓隱隱煙

霞遠鐵板錚錚樹木涼文字豈能傳太守風流原  
不礙隋皇量今酌古情何限願借東風作小狂  
西風又到洗粧樓衰草連天落日愁瓦礫數堆  
唱晚涼雲幾片燕鶯秋繁華一刻人偏戀嗚咽千  
年水不流借問纍纍荒塚畔幾人耕出玉搔頭  
江上澄鮮秋水新邗溝幾日雪迷津千年戰伐百  
餘次一歲變更何限人盡把黃金通顯要惟餘白  
眼到清貧可憐道上饑寒子昨日華堂卧錦茵

曉行真州道中

僮僕飄零不可尋客途長伴一張琴五更上馬披



風露曉月隨人出樹林  
麥秀帶煙春郭迥山光隔  
岸大江深勞勞天地成何事  
撲碎鞭柵爲苦吟

寄許生雪江三首

詩去將吾意書來見爾情  
三年俄夢寐數語若平  
生雨細窗明火鴉棲柳暗城  
小樓良夜靜還憶讀  
書聲

金紫人間事縹緲我輩需閒吟  
聊免俗極賤到爲  
儒妙墨疑懸漏雄才欲唾珠  
時時盼霄漢待爾入  
雲轡

不捨江干趣年來臥水村  
雲揉山欲活潮橫雨如

奔稻蟹垂秋熟，原蹄佐酒渾野人歡笑。罷買掉會  
相存。

贈石道士

樓殿玲瓏草木閒，洞簫吹徹碧雲間。歌成莫擬無  
投贈，新洗羊脂白玉環。

閑居

嬾慢從來應接疎，閑門掃地足閑居。荆妻拭硯磨  
新墨，弱女持篋索楷書。柿葉微霜千點赤，紗厨斜  
日半窗虛。江南大好秋蔬菜，紫葍紅薑煮鯽魚。

宗子相墓

寥落百花洲老屋破還在遠水如帶環東風吹野  
菜

七歌

鄭生三十無一營學書學劍皆不成市樓飲酒拉  
年少終日擊鼓吹竽笙今年父歿遺書賣剩卷殘  
編看不快爨下荒涼告絕薪門前剥啄來催債嗚  
呼一歌兮歌偪側皇遽讀書讀不得

我生三歲我母無叮嚀難割襁中孤登牀索乳抱  
母卧不知母歿還相呼兒昔夜啼啼不已阿母扶  
病隨啼起婉轉喚撫兒熟眠燈昏母咳寒窗裏嗚

呼二歌兮夜欲半鴉棲不穩庭槐斷

無端涕泗橫闌干思我後母心悲酸十載持家足  
辛苦使我不復憂饑寒時缺一升半升米兒怒飯  
少相觸牴伏地啼呼面垢汗女取衣衫爲漚洗嗚  
呼三歌兮歌徬徨北風獵獵吹我裳

有叔有叔偏愛姪護短論長濟覆匿倦書逃藥無  
事無藏懷負背趨而逸布衾單薄如空橐敗絮零  
星燕卧惡縱橫渡瀾漫不省就濕移亂叔夜醒嗚  
呼四歌兮風蕭蕭一天寒雨聞雞號

幾年落拓向江海謀事十事九事殆長嘯一聲沽

酒樓背人獨自間真宰枯蓬吹斷久無根鄉心未  
盡思田園千里還家到反怯入門忸怩妻無言嗚  
呼五歌兮頭髮豎丈夫意氣閨房沮

我生二女復一兒寒無絮絡餓無糜啼號觸怒事  
顛朴心憐手軟翻成悲蕭蕭夜雨盈階此空床破  
帳寒秋水清晨那得餅餌持誘以貧眠罷早起嗚  
呼眼前兒女兮呼爺六歌未闕思離家

種園先生其吾師竹樓桐峯文字奇十載鄉園共  
遊憩壯心磊落無不爲二子辭家弄筆墨片語干  
人氣先寒先生貧病老無兒閉門僵卧桐陰北嗚

呼七歌兮浩縱橫青天萬古終無情

種園先生陸震

竹樓王國棟

桐峯頌于觀

哭悼兒五首

天荒食粥竟爲長慚對吾兒泪數行今日一匙澆  
汝飯可能呼起更重嘗

歪角鬚兒好戴花也隨諸姊耍盤鴉於今寶鏡無  
顏色一任朝光滿碧紗

墳草青青白水寒孤魂小膽怯風湍荒塗野鬼銖  
求憤爲訴家貧楮鏹難

可有森嚴十地開兒魂一去幾時回啼號莫倚橋

憐態遲剎非而父母來

蠟燭燒殘尚有灰紙錢飄去作塵埃浮圖似有三  
生說未了前因好再來

邨塾示諸徒

飄蓬幾載困青氈忽忽邨居又一年得句喜拈花  
葉寫看書倦當枕頭眠蕭騷易惹窮途恨放蕩深  
慚學俸錢欲買扁舟從釣叟一竿春雨一蓑煙

淮陰邊壽民葦間書屋

邊生結屋類蝸殼忽開一窗洞寥廓數枝蘆荻撐  
煙霜一水明霞靜樓閣夜寒星斗垂微茫西風入

帳搖燭光隔岸微聞寒犬吠幾撚吟髭更漏長

項羽

已破章邯勢莫當八千子弟赴咸陽新安何苦坑  
秦卒壩上馬能殺漢王玉帳深宵悲駿馬楚歌四  
面促紅粧烏江水冷秋風急寂寞野花開戰場

鄴城

劃破寒雲漳水流殘星畫角動譙樓孤城旭日牛  
羊出萬里新霜草木秋銅雀荒涼遺瓦在西陵風  
雨石人愁分香一女雄心盡碑版仍題漢徵侯

銅雀臺



銅雀臺十丈起掛秋星壓寒水漳河之流去不已  
曹氏風流亦可喜西陵松柏是新栽松下美人皆  
舊妓當年供奉本無情死後安能強哭聲總憚八  
尺催歌舞嬾慢盤鴉鬢不成若教賣履分香後盡  
放民間作佳偶他日都梁自檢燒回首君恩淚霑

袖

泝水

泝水清且淺沙礫明可數漾漾浮輕波悠悠匯遠  
浦千山倒空青亂石兀崖堵我來恣游泳浩歌懷  
往古偏側井陘道卒列不成伍背水造奇謀赤幟

立趙土韓信購左車張耳陋肺腑何不赦陳餘與  
之歸漢主

易水

子房既有椎漸離亦有笄荆卿利七首三人徒祿  
碌世濁無鳳麟運否縱蛇虺雷霆避其威人謀焉  
得速蕭蕭易水寒悄悄燕丹哭事急履虎尾償轅  
終敗鞭酒酣市上情一往不可復

贈甕山無方上人二首

山畏都城比僧居御苑西雨晴千嶂碧雲起萬松  
低天樂飄還細心豈剪欲齊萊人驅豆馬歷歷俛

長隄

一見空塵俗相思已十年補衣仍帶綻閒話亦深  
禪煙雨江南夢荒寒薊北田閒來澆菜圃日日引  
山泉

追憶莫愁湖納涼

江上名湖號莫愁納涼先報楚江秋風從綠若栢  
頭響雲向青山缺處流尚憶羅襟露竹露可堪清  
夢隔沙鷗遙憐新月黃昏後團扇佳人正倚樓

送職方員外孫丈歸田

諱光奎

先生六月江南去傲索秋風亦徑歸鱸膾先嘗應

憶我蕨薇堪飽莫開扉故人幾輩頭俱白後學相  
看識者稀淮海文章終自在任渠披謁絳紗幃  
鶴兒灣畔藕花香龍舌津邊種稻黃小艇霧中看  
日出青錢柳下買魚嘗邨墟古廟紅墻立天未孤  
雲白帶長借取漁家新箬笠一竿煙雨入滄浪

嶧山

徐州五色土乃在嶧山下凸凹見青黃崩裂墮赤  
赭偃蹇十里石蒼怒即牛馬苔斑古銅鑄黑骨積  
鐵治耆然觸穹蒼千峯構雲屨曲逕回腸盤飛泉  
震雷瀉古碑斷蝨魚老屋頽殘瓦秋河盍可竭寒

星捕盈把。悲鳥百羣叫。孤鶴萬年寡。結茅此間住。  
萬事夢可捨。山中古仙人。或有騎龍者。

山寺

山頂何年寺。寒牆補破雲。古鐘雀巢鈕。石籬成  
穴。僧話從教譯。爐香久不焚。迴風吹柿葉。淒響正  
紛紛。

徐君墓

湛虛夜哭墳。頭樹天神石。怪精靈聚月。射芙蓉冷  
露凝。霜寒鞞琤銀蛇吐。殷殷時呼水底龍。熊熊欲  
化山頭虎。爲表延陵萬古心。忍負徐君三尺土。世

人授贈不及身。百千購布空爾情。季子抱恨刻心骨。區區掛劍徒虛名。眼前眷戀情難厭。死後相思空寄念。席上摩挲便贈之一條。秋水橫棺殮。

贈博也上人

閉門何處不深山。蝸舍無多八九間。人跡到稀春草綠。燕巢營定畫梁閒。黃沉小竈茶烹陸。白雨幽窓字學顏。獨有老僧無一事。水禽沙鳥聽闌闌。

寄許衡山

江淮韻士許衡州。近日蕭疎似昔不。好事春泥修茗竈。多情小盃覆詩闌。食眠消減綠花瘦。營道雨

量怨水流我有無題新脫稿寄君吟向小朱樓

寄松風上人

豈有千山與萬山別離何易來何難一日一日似  
流水他鄉故鄉空倚闌雲補斷橋六月雨松扶古  
殿三時寒羹脯茶油新麥飯幾時猿鶴來同餐

喜雨

宵來風雨撼柴扉早起巡簷點滴稀一徑煙雲蒸  
印出滿船新綠買秧歸田中水淺天光淨陌上泥  
融燕子飛共說今年秋稼好碧湖紅稻鯉魚肥

弘量上人精舍

嶽嶽秋濤湧樹根西風落葉破柴門蠻鴉日暮無人管飛起前村人後邨  
山門夜悄不能呼冷燭爍船宿葦蒲殘月半天霜  
氣重曉鐘雞唱滿東湖

題畫

秋山秋樹秋水蒼瘦禿落清駛鷺曾遊望依稀渺  
渺雁行沙嘴

悍吏

縣官編丁著圖甲悍吏入村捉鵝帛縣官養老賜  
帛肉悍吏沿村括稻穀豺狼到處無虛過不斷人



喉抉人目長官好善民已愁况以不善司民牧山  
田苦旱生草管水田浪闊聲濕濕 聖主深仁發  
天庾悍吏貪勸為刁奸索逋洵洵虎而翼叫呼楚  
撻無寧刻林中殺雞忙作食前村後村已屏息鳴  
呼長吏定不知知而故縱非人為

私刑惡

自魏忠賢拷掠羣賢淫刑有出其遺毒猶在人  
間胥吏以慘掠取錢官長或不知也仁人君子  
有至痛焉

官刑不敵私刑惡掾吏搏人如豕搏斬筋抉髓剔

毛髮督盜搜賾例苛虐吼聲突地無人色忽漫無  
聲四肢直游魂蕩漾不得死婉轉迴甦天地黑本  
因凍餒迫爲非又值姦刀取自肥一絲一粒盡搜  
索但憑皮骨當嚴威疊疊妻女小兒童拘囚繫械  
網一空牽累無辜十七八夜來鎖得鄰家翁鄰家  
老翁年七十白挺長椎敲更急雷霆收聲怯吏威  
雲昏雨黑蒼天泣

撫孤行

十年夫歿府書麓歲歲曉書抱書哭縹緲破裂方  
錦紋玉軸牙籤斷湘竹孀婦義不賣藏書况有孤

雖是遺腹四壁塗鴉嘆不止十日索墨五口紙學  
俸無錢愧塾師綫脚鉞頭勞十指燈昏燭短空房  
黑兒讀無多母長織敗葉走地風沙沙檢點兒眠  
聽曉鴉

贈巨潭上人三首

山骨蒼寒坐古牆壞廊奉曲入僧房金錢十萬誰  
來施多起樓臺占夕陽

墨磔鉛匙一兩三半窓畫意寫江南誰家綉素催  
人急先向空中作遠嵐

寒煙裊裊淡孤邨一縷霜華界瓦痕睡足曉窓無

一事滿山晴日未開門

別梅鑑上人

海陵南郭居人少古樹斜陽破佛樓一逕晚煙籬  
菊瘦幾家黃葉荳棚秋雲山有約憐狂客鐘鼓無  
情老比丘回首舊房留宿處暗窓寒紙颯颯

客揚州不得之西邨之作

自別青山負夙期偶來相近輒相思河橋尚欠年  
時酒店壁還留醉後詩落日無言秋屋冷花枝有  
恨曉鶯癡野人話我平生事手種垂楊十丈絲

再到西村

青山間我幾時歸。春雨中長蕨薇分付白雲留。  
倦客依然松竹滿柴扉。送花鄰女看都嫁。賣酒村  
翁興不違。好待秋風禾稼熟。更修老屋補斜暉。

除夕前一日上中尊汪夫子

瑣事貧家印萬端。破裘雖補不禁寒。餅中白水供  
先祀。窓外梅花當早餐。結網縱勤河又涸。賣書無  
主歲偏闌。明年又值掄才會。願向秋風借羽翰。

秋夜懷友

斗帳寒生被輕疎。星歷歷隔窓明。滿階蕉葉兼  
梧葉。一夜風聲似雨聲。塞北天高鴻雁遠。淮南木

落楚江清客中又念天涯客直是相思過一生

芭蕉

芭蕉葉葉爲多情一葉纔舒一葉生自是相思抽  
不盡却教風雨怨秋聲

梧桐

高梧有尺夜蒼蒼亂掃秋星落曉霜如何不向西  
州植倒挂綠毛么鳳皇

得南閩捷音

忽漫泥金入破籬舉家歡樂又增悲一枝桂影功  
名小十載征途發達遲何處寧親惟哭墓無人對

鏡嬾窺惟他年縱有毛公檄捧入華堂却慰誰

山中雪後

晨起開門雪滿山雪晴雲淡日光寒簷流未滴梅  
花凍一種清孤不等閒

題畫

兩岸青山聚米多長江窅窅一條梭千秋征戰誰  
將去都入漁家破網羅

莫爲

莫爲甄妃感寂寞袁曹寵幸舊曾饒周郎早世孫  
郎天賜浙江東大小喬

小廊

小廊茶熟已無煙，折取寒花瘦可憐。  
寂寂柴門秋水闊，亂鴉揉碎夕陽天。

懷舍弟墨

我無親弟兄，同堂僅二人。上推父與叔，豈不同一身。  
一身若連枝，葉葉相依因。樹大枝葉富，樹小枝葉貧。  
况我兩弱幹，荒河蔓草濱。走馬折為鞭，樵斧推為薪。  
含悽度霜雪，努力愛秋春。我年四十二，我弟年十八。  
憶昔幼小時，清燿欠肥腩。老父酷憐愛，謂叔晚年兒。  
餅餌擁其手，病飽不病飢。出門幾回



顧入門先抱持年來父叔歿移家僦他宅幸有破  
茅茨而無飽糠覈老兄似有才苦不受繩尺賢弟  
才似短循循受謙蓋前年葬大父墳有金蠟螭或  
云是貴徵便當與其家起家望賢弟老兄太浮誇  
家貧富書史我又無兒子生兒當與分無兒盡付  
爾離家一兩月念爾不能忘客中有老樹枝葉鬱  
蒼蒼東枝近簷屋西枝過鄰牆兩枝不相顧剪伐  
誰護將感此傷我懷苦樂須同嘗

書苦短

晝苦短夜正不長清歌妙舞看未足樓頭曙鼓聲

皇明星拔地纔數尺日光搖動來扶桑晝苦短  
晝亦不短山中暇日如小年塵世光陰疾如箭古  
來開國多聖明歷盡艱難身百戰一朝勘定稱至  
尊承明殿上頭毛髮安期棗盡還瘦羸赤松黃帝  
墳纍纍學仙學佛空爾爲晝苦短西日飛

贈高郵傅明府并示王君廷藻

傅諱椿

出牧當明世銘心慕古賢安入龔渤海執法况青  
天瑣細知幽奧高明得靜便星躔羅腹底冰雪耀  
眉端昔守淮隄撼曾憂暑雨濺麻鞵操釜鍤百口  
寄舟船生死同民命崎嶇犯世嫌上官催決塞小

吏只壅田時值西風急憑翻竹槌編孤城將不保  
下命敢求全痛哭蒼天應焚香巨浪恬支祈收震  
怒河伯効淵潛運道終無恙居民亦有年稻梁千  
里熟歌舞數州連魚蟹多無筭雞豚不計錢青帘  
橋畔酒細雨樹中煙父老村村祝銓衡緩緩遷文  
游春水澹黛社夜珠懸願獻長溪藻還供縮項鱸  
鄰邦咸取法下邑賜矜憐訪我荒城北停舟款岸  
邊一談胸吐露數蓋意周旋頗有王生者曾經絳  
帷延美材承斲削高義破迤邐約束神應阻鑿鑿  
器益堅秋風動南國六翮會翩跹

落拓

乞食山僧廟縫衣歌妓家年年江上客只是爲看  
花

贈潘桐岡

讀書必欲讀五車胸中撐塞如亂麻作文必欲法  
前古婢學夫人徒自苦吾曹筆陣交雲煙掃空氛  
翳鋪青天一行兩行書數字兩箕北斗排星躔有  
時滴墨嬌且妍曉花浮露春風鮮畫裙女郎年十  
四欲折不折心相憐斬龍殺虎提龍泉定情溫細  
桃花歲蕭蕭落落自千古先生信是人中仙天公

曲意來縛繫困倒揚州如束濕空將花鳥媚屠沽  
獨遣愁魔陷英特志亦不能爲之抑氣亦不能爲  
之塞十千沽酒醉平山便拉歐蘇共歌泣君不見  
迷樓隋帝最荒淫千秋猶占煙花國名姬百琲試  
琵琶駿馬千金買鞍勒丈夫得志會有時人生意  
氣何終極揚州四月嫩晴天且買櫻筍鱖魚相咬  
食

觀潮行

銀龍翻江截江入萬水爭飛一江急雲雷風霆爲  
先驅潮頭聳竝青山立百里之外光熒熒若斷若

續最有情崩轟喧壓倏已過萬馬飛渡蕭山城錢  
塘岸高石五丈古松大檠盤森壑翠樓朱檻衝波  
翻羽旗金甲雲濤上伍胥文種兩將軍指揮鯤鯨  
鯨鼉蟒杭州小民不敢射盪緒擊鼉來相享戎革  
平生多鬱塞豪情逸氣新搔癢風定月高潮漸平  
老魚夜哭蛟宮盪

弄潮曲

錢塘小兒學弄潮硬篙長楫捺復捕舵樓一人如  
鑄鐵死灰面色晴不搖潮頭如山挺船入艦榜掀  
翻船豎立忽然滅沒無影蹤緩緩浮波衆船集潮

平浪滑逐沙鷗歌笑山青水碧流世人歷險應如  
此忍耐平裏存後頭

肅宗

百戰艱難復兩京范陽餘孽尚縱橫太平天子無  
愁思內殿惟聞打子聲

南內

南內淒清西內荒淡雲秋樹滿宮牆由來百代明  
天子不肯將身作上皇

輜光

輜光古廢嶽山嶽北窻直吸餘杭縣葛洪小兒峰

嶺底南屏一片排秋扇錢塘雪浪打西湖只隔杭  
州一條綾海口烘雲濕已乾下界奔雷作蛇電山  
中老僧貌奇古十年不踏西冷土厭聽湖中歌吹  
聲肯來伺候衙門鼓曲房幽澗養神魚古碑剔藓  
蚪蚪書銅餅野花鳥几靜湘簾竹榻清風徐飲我  
食我復慕我茅屋數間山側左分屋而居分地耕  
夜燈共此琉璃火我已無家不願歸請求了此前  
生果

偶成

雨過天全嫩樓新燕有情江晴春浩浩花落水平



平越女吹簫坐吳兒撥馬行  
回頭各會意煙柳閉  
州城

飲李復堂宅賦贈

四月十五月在樹淡風清影搖窗戶舉酒欲飲心  
事來主客無言客起去主人起家最少年驛驕初  
試珊珊鞭護 蹕出入古比口橐筆侍直

仁

皇前才雄頗爲世所忌口雖贊歎心不然蕭蕭匹  
馬離都市錦衣江上尋歌妓聲色荒淫二十年丹  
青縱橫三千里兩嬰世網破其家黃金散盡妻孥  
媿剥啄催租惱吏頻水田千畝爲累途窮賣畫

畫益幾傭兒賈豎論非是昨畫雙松半未成醉來  
怒裂澄心紙老去翻思踏軟塵一官聊以庇其身  
幾遍花開上林樹十年不見京華春此中滋味淡  
如水未忍明良徑賤貧

題團冠霞畫山樓

置幅橫放總畫山滿樓空翠滴煙鬟明朝買棹清  
江上却在君家圖畫間

大中丞尹年伯贈帛

落拓揚州一敝裘綠楊蕭寺幾淹留忽驚霧縠來  
相贈便剪春衫好出遊花下莫教雨露滴燈前暈

擬覆香篝興來小步階隄上滿袖東風散旅愁

題遊俠圖

大雪滿天地胡爲仗劍游欲談心裏事同上酒家樓

題程羽宸黃山詩卷

黃山擎空青造化何技癢陰陽未判割精氣互混  
濛園結勢綿迂抽拔昂學日月始明白雲龍漸  
來往軒成末苗裔鍊丹砂廠天都強名目芙蓉  
謬借獎秦漢封錮深唐宋遊屐廣雲海盪詩肺松  
濤鐵天響飛泉百斷續怪石萬魁麴少少塔廟開

微微金翠榜岑嶠  
畏樓殿龍象森  
灌莽鶴鶴鳩  
鳩榛樾素栗椽  
屐果垂纍纍  
仙禽翩晃晃  
山腰矮  
雷電峰頂聳  
蒲蔣膚土寸  
若金風蘿家於網  
轉逕  
窄欲墮陟歎眩  
還惘我欲躋  
顛嶠夢寐徒悵  
快陸  
騎姑熟驢波泛  
浙江漿羈遲婚  
嫁累尚賤簪笏  
想  
山靈久拒斥  
飛砂擊俗額  
輸君飽遊憩  
晴嵐披翠  
爽澡泉暢骨脉  
卧雪飲瀝沆  
聒耳流琮琤  
聳身峰  
仄仰摘星揭  
戶牖洗日絲  
益盜賦詩數十  
篇才思  
何闕朗刻畫  
寵金石鏗鐸  
叶平上硃砂  
入爐竈  
天  
馬受羈鞅  
骨重勢鬱紆  
神清氣英蕩  
你記數千言

瑣細傳幽賞同遊誰何人吾宗處谷黨當境欣淋  
漓離懷惜疇曩昔我未追逐今我實慨慷萬願林  
壑最一官休歛儻當復邀同遊爲君負筇屨

贈張蕉衫

淮南又遇張公子酒滿青衫日已曛攜手玉勾斜  
畔去西風同哭窈窕墳

上江南大方伯晏老夫子

諱斯盛

虎瞰峯高迥出雲鳳池春早曲流紋才充上苑干  
林秀氣壓西江九派分舟下牂牁開漲海山臨銅  
鼓拂南薰武侯千載征蠻後直待先生展大文

公新渝人由翰苑視學貴州

歸朝晉秩列卿班檢點彤儀肅珮環虎旅千人排  
象闕鷄行九品拜龍顏再持文柄心逾下屢沐殊  
恩意轉闊慚愧無才經拂拭也隨桃李謁高山  
公以大鴻臚分校禮闈

星軺渺渺下南邦劍匣書囊動曉裝六代煙花迎  
節鉞一江波浪湧文章雲邊保障開鍾阜天下軍  
儲仰建康赤旱于今憂不細披圖何以繪流亡  
淮南大郡古揚州小縣人居薄海陬架上縹緗皆  
舊帙枕中方略問新猷鄱湖浪闊翰洋子匡阜雲

來潤石頭手把干將渾未試幾回磨淬大江流

由興化迂曲至高郵七截句

百六十里荷花田幾千萬家魚島邊舟子搦篙撐  
不得江粉照人嬌可憐

煙裏兩笠水雲居艤樣船兒蝸樣廬賣取青錢沽  
酒得亂攤荷葉擺鮮魚

湖上買魚魚最美煮魚便是湖中水打槳十年天  
地間鶯鶯認我爲漁子

買得鱸魚四片腮葦羹點豉一尊開近來張翰無  
心出不待秋風始却回

柳塢瓜鄉老綠多公紅一點是秋荷暮雲卷盡夕陽出大末冷風吹細波

一塘蒲過一塘蓮荇葉菱絲滿稻田最是江南秋八月雞頭米賽蚌珠圓

船窗無事哺秋蟲容易年光又冷風繡被無情團扇薄任他霜打柿園紅

贈國子學正侯嘉璠弟

讀書數萬卷胸中無適主便如暴富兒頗爲用錢苦大哉侯生詩自達其肺腑不爲古所累氣與意相輔灑灑如貫珠斬斬入規矩當今文士場如公



那可睹家住浙東頭山凹水之澗馬峰天上川台  
根海底柱樹密龍氣深雲壘石情怒安得從君遊  
嘯歌入天燒龍湫萬丈懸對坐濯靈府我詩無部  
曲瀾漫列卒伍轉關屢蹶傷猶思暴猛虎家非山  
水鄉半生食鹽鹵頑石亂木根憑君施巨斧

贈胡天游弟

作文勉強爲荆棘塞喉齒乃興勃發處煙雲拂滿  
紙檢點豈不施濤瀾浩無涖昨讀秋霖賦觸手生  
妙理塗抹古是非排撻世歡喜抽思雲影外造語  
石骨裏李廣飛將軍自然成壁壘列子御風行庸

夫尋轍執錢塘江雨青山陰石髮紫何必采靈芝  
千崖看秀起山靈愛狂逸魑魅識才枝雜沓吾揚  
州煙花欲羞死

燕京雜詩

不燒鉛汞不逃禪不愛烏紗不要錢但願清秋長  
夏日江湖常放米家船

偶因煩熱便思家千里江南道路賒門外綠楊三  
十頃西風吹滿白蓮花

碧紗窗外綠芭蕉書破葉陰坐寂寥小婦最憐消  
渴疾玉盤紅顆進冰桃

呈張者

御溝楊柳萬千絲，雨過煙濃嫩日遲。  
擬折一枝猶未折，罵人春燕太嬌癡。

桃花嫩汁搗來鮮，染得幽閨小樣箋。  
欲寄情人羞自嫁，把詩燒入博山煙。

酬中書舍人方超然弟

砒粉官箋五色裁，兔毫揮斷紫煙煤。  
書成便擬蘭亭帖，何用蕭郎賺辨才。

君家兩世文名盛，宦况蕭條分所宜。  
笑我筆花枯已盡，半生冤枉作貧兒。

老伯之軒先生諱榮如

讀昌黎上宰相書因呈執政

常怪昌黎命世雄功名之際大匆匆也應不肯他  
途進惟有修書謁相公

甕山示無方上人

松梢竹影度清秋雲淡山空古寺幽蟋蟀亂鳴黃  
葉運瓜棚半倒夕陽樓客來招飲欣同出僧去烹  
茶又小留寄語長安車馬道觀魚溪上是天游

寄青崖和上

山中卧佛何時起寺裏櫻桃此日紅  
驟雨忽添唾

下  
水泉聲都作晚來風  
紫衣鄭重

君恩在

御墨淋漓象教崇  
透脫儒書千萬軸  
遂令禪事得真空

訪青崖和尚和壁間晴嵐學士虛亭侍讀原

韻

晴嵐張公若霽虛亭鄂公容安

西風肯結萬山緣  
吹破濃雲作冷煙  
匹馬徑尋黃葉寺  
兩晴稻熟早秋天

渴疾由來亦易消  
山前酒旆望冰遙  
直深更飲秋潭水  
帶月連星留一瓢

屋邊流水勢潺湲峭壁千條瀑布繁自是老僧饒  
佛力杖頭撥處起靈源

烟霞文字本關情袍笏山林味總清兩兩鳳凰天  
外叫人間小鳥更無聲

法海寺訪仁公

昔年曾此摘蘋婆石徑欹危挽綠蘿金碧頓成新  
法界惜他荒朴轉無多

參差樓殿密遮山鴉雀無聲樹影閒門外秋風敲  
落葉錯疑人叩紫金鐶

樹滿空山葉滿廊袈裟吹透北風涼不知多少秋

滋味卷起湘簾問夕陽

同起林上入重訪仁公

幾日不相見作詩盈一囊立殘雲外瀕銷盡定中  
香雨歇四天碧風高秋稼黃可應歌擊壤更爲繼

陶唐

寶主吟聲合幽窗夜火然風鈴如欲語樹鷓不成  
眠月轉仙沉霧花深鷲入煙朝霞鋪滿徑栽取作  
蠻棧

勝地前朝闢青山

帝在情真教輕一物可待報他生齋粥分天庾盤蔬

列真壑秋風滿松聲幽梵曉來清

山中夜坐再陪起上人作

又訪山上煙月出秋樹底清光射玲瓏峭壁澄寒  
氷棲鳥見其腹歷歷明可指秋蟲草際鳴切切哀  
不已禪心冷欲氷詩懷淡彌旨吟成無牋麻書上  
破窗紙

頑奴倦烹茶湯沸火已滅冷然酌秋泉心肺總寒  
冽叢花夜露滋細蠟石上茁老槐恃氣力排風骨  
正折坐久月當中寒光射毛髮不但飲秋泉此心  
何得熱



晨起望諸山煙嵐潏漲塞陽烏初出海氣弱不得  
力墨雲橫亘天穉霞斂頽色重帛那禁寒擁裹坐  
巖崩露重如小雨徑危滑難陟酸棗垂纍蠃瓜果  
蔓寒棘招手謂山鳥與爾得飽食

詩成令我寫寫就復塗抹骨脈微參差有愛忍心  
割未得如抽繭鍼尖隱毛褐既得如尸解蠅螂忽  
蟬脫主人門外來詩才日豪闊邊疾各性情維余  
氣先奪

贈圖牧山 諱清格

我訪圖牧山步出沙窩門臃腫百本樹斷續千丈

垣野廟句其中蹒跚僧灌園僮奴數十家雞犬自成邨青鞵踏曉露小閣延朝暎烹茶亦已熟洗盞猶細捫平生書畫意絕口不一言江南渺音耗不知君尚存願書千萬幅相與寄南轅

又贈牧山

十日不能下一筆閉門靜坐秋蕭瑟忽然興至風雨來筆飛墨走精筆出小草小蟲意微妙古石古雲氣奔逸字作神馬鐘鼎文雜以蝌蚪點濃漆恠迂荒幻性所鍾妄貼細膩學之謚訪君古樹荒墳邊葉凋草硬霜凜栗一醉十日亦不辭廬溝歸馬

催人疾揚州老僧文思最念君一紙寄之勝子鑑

送都轉運盧公

諱見曾

揚州自古風流地惟有當官不自怡  
鹽筴米囊銷歲月崖花澗鳥避旌旗  
一從吏議三年謫得賦淮南百首詩  
昨把青鞵踏隋苑壺漿獻出野田兒

清詞頗似王摩詰復以精華學杜陵  
吟撼夜窗秋紙破思凝寒澗曉星澄  
樓頭古瓦疎桐雨牆外清歌畫舫燈  
塵盡悲歡並喧寂心絲裊入碧雲層

塵埃吹去又生塵  
汨盡英雄爲要津  
世外煙霞負漁釣  
胸中寵利愧君臣  
去毛折項葫蘆熟  
豁齒蓬

頭婢僕真兩世君家有清德即今風雅繼先民  
何限鷓鴣供奉班慙子引對又空還舊詩燒盡重  
騰藁破屋修成好住山自寫簪花教幼婦閒拈玉  
笛引雙鬢吹噓更不勞前輩從此江南一梗頑

李氏小園

小園十畝寬落落數間屋春草無穢滋寒花有餘  
馥閉戶養老母拮据市梁肉大兒執鐮刀縷縷切  
紅玉次兒拾柴薪細火煨陸續煙飄葺架青香透  
疎籬竹負家滋味薄得此當鼎鍊弟兄何所餐宵  
來母膳粥

晨起縫破衣鍼線不成行母年七十四眼昏手又  
僵裝綿苦欲厚用線苦欲長綫長衣縫緊綿厚耐  
雪霜裝成令兒暖母衣單薄涼不衣逆母懷衣之  
情內傷

兒病母煮藥老淚滴爐灰幾死復得活爲母而再  
來終養理之順髮兒情至哀老天有矜憐復使歸  
母懷

兄起掃黃葉弟起烹秋茶明星猶在樹爛爛天東  
霞杯用宣德瓷壺用宜興砂器物非金玉口潔自  
生華蟲遊滿院涼露濃敗蒂瓜秋花發冷豔點綴

枯籬笆閉戶成義皇古意何其賒

野老

輸罷官租不入城  
秋風社酒各言情  
明年二月逢春  
閏細雨長隄看耦耕

贈金農

亂髮圍成字  
深山鑿出詩  
不須論骨髓  
誰得學其皮

細君

爲折桃花屋角枝  
紅裙飄惹綠楊絲  
無端又坐青莎上  
遠遠張機捕雀兒

雨中

終日苦應酬連陰得閉門清涼滿心肺草木向幾  
言新竹倚屋簷綠沁窗紙昏梁燕坐不出蝸牛滿  
苔痕犬跡踏沙軟躡屐恐泥翻翅足散步把書  
行且溫家釀亦已熟呼僮傾盞盆小婦便爲客紅  
袖對金尊

平山宴集詩

爲進士王元倚作

閒雲拍拍水悠悠樹繞春城燕繞樓買盡煙花酒  
盡恨風流無奈是揚州

春風細雨雷塘路旭日明霞六一祠江上落花三

十里令人愁殺冷胭脂

江東豪客典春衫綺席金尊索笑談臨上馬時還  
送酒寒鴉落日滿淮南

野花紅艷美人魂吐出荒山冷墓門多少隋家舊  
宮怨珮環聲在夕陽邨

贈梁魏金

國手

坐我大樹下秋風飄白髭朗朗神仙人閉息欽光  
儀小婦竊窺廊紅裘颯疎籬黃精煨正熟長跪奉  
進之食罷仍閉目鼻息細如絲夕影上樹杪落葉  
滿身吹機心付水釋靜脈無橫馳養生有大道不



獨觀奕碁

骨董

末世好骨董甘爲人所欺千金買書畫百金爲裝  
池缺角古玉印銅章盤龜螭烏几斫劍雀象牀燒  
金狻一杯一尊學按圖辨款儀鈎深索遠求到老  
如狂癡骨肉起訟獄明友生猜疑方其富貴日價  
直千萬奇及其貧賤求不足換餅糗我有大古罍  
世人苦不知伏羲畫八卦文周孔繫辭洛書著洪  
範夏禹傳商箕東山七月篇班駁何陸離是皆上  
古物三代即次之不用一錢買滿架堆離披乃其

最下者韓文李杜詩用以養德行壽考百歲期用  
以治天下百族歸淳熙大古不肯好逐逐流俗爲  
東家宣德爐西家成化籠盲人寶陋物惟下愚不  
移

逢客人都寄最宗上人口號

汝到京師必到山山之西麓有禪關爲言九月吾  
來住檢點白雲房半間

貧士

貧士多窮艱夜起披羅幃徘徊立庭樹皎月墮晨  
輝念我故人好謀告當無違出門氣頗壯半道神

已徵相遇作冷語吞話還來歸歸來對妻子局促  
無儀威誰知相慰藉脫簪典舊衣入厨然破釜烟  
光凝朝暉盤中宿果餅分餉諸兒饑待我富貴來  
鬢髮短且稀莫以新花枝誚此蘆蕪非

行路難三首

天明始覺滿身霜抖擻征衫曳馬鞭茅店煖烟噓  
冷面無人朝日出林塘

關山老馬怯馳驅幼僕而今作壯夫萬里功名何  
處是猶將青鏡看鬚鬢

紅帖糊門挂栢枝東風馬上過年時一杯濁酒家

千里迢旅多情送餅餈

又一首仍用前起句

天明始覺滿身霜日出纔伸十指僵  
山色半青還半霧馬頭紅葉是何莊

廣陵曲

隋皇只愛江都死袁嬖淚斷紅珠子  
玉勾斜土化為烟散入東風  
桃李樓上摘星攀夜天斗珠灼灼  
齊人肩負雷塘水光四頂白月痕  
斜出吳山尖曉閣涼雲笛聲瘦  
碎鼓點花撒秋豆長夜歡娛日出  
眠揚州自古無清晝

秦官詩後長吉作

方遶四角燒艷香酒闌妓合燈煌煌金與翠憶貴  
人散只有秦官入畫堂南堂夫人賜金兒北堂相  
公同繡被未識歡哥一片心平分偏向知何寄內  
籠外寵重復重晝有微眠夜無寐自古淫花蕩雨  
風海棠不得辭憔悴天生架點奴非衆柔軟嬌慙  
復曉勇鳩鵲承明百尺墻斗上平翻燕赤鳳

范縣呈姚太守諱興漢

落落漠漠何所營蕭蕭澹澹自為情十年不肯由  
科甲老去無聊挂姓名布襪青鞵為長吏白榆文

杏種春城幾四大府來相問隴上閒眼看耦耕

塞下曲三首

天遠山空塞草長太平羽獵出漁陽少年馬上談  
詩事一種風流夾莽蒼

萬幟千山落日多將軍獵罷選清歌胡姬醉舞雙  
紅袖笑指黃羊挂駱駝

洗盡寒酸舊華頭十年關塞覓封侯臂鷹躍馬黃  
皮袴射得豐狐作短裘

村居

霧樹冥蒙叫亂鷗濕雲初變早來霞東風已綠先

草細雨猶寒後夜花村艇隔烟呼鴨鴛酒家依  
岸北籬笆深居久矣忘塵世莫遣江聲入遠沙

懷無方上人

初識上人在西江廬山細瀑鳴秋窗後遇上人入  
燕趙甕山古瓦埋荒廟今君聞佳孝免營亂石寒  
雲補棘荆別築岩前數間屋繪圖招我同歸耕伊  
昔茅棚晒秋藥我混屠沽君種作推墮蹇驢邨市  
中笑而不怒心寥廓嗟我近事如束芥爪牙惡吏  
相推排不知喜怒哀為何事夜夢跼蹐朝喧壓一年  
一年逐留滯徒使高人笑沈沈我已心魂傍尔飛

采歲不歸有如水

懷程羽宸

余江湖落拓數十年惟程三子

鷓奉千金為壽一洗窮愁羽宸是其表字

世人聞口易千金畢竟千金結客心自遇西江程  
子鷓鴣開寒霧到如今

十載音書迥不通蓼花洲上有西風傳未似有非  
帝信幾夜酸辛屢夢公

渡江

海日出復沒江光紫而冷風平浩浩波颿定亭亭  
影瓜步嶽然去北固蒼翠耿未暇遊金焦先寓象



山頌

招隱寺訪舊五首

江鳥喚朝興山中訪舊僧  
遇泉先解渴濟勝漫誇  
能十里樹中曲半橫  
天外凭上方應遠在小歇更  
攀登

沃水先清面除煩更削爪  
客真無禮數僧亦去袈  
裝竹榻斜支枕苔窓卧  
看花來朝好風日細細探  
烟霞

禪房精筆硯窓又碧紗  
糊吮墨情溫細詒詩味澹  
腴茶槍新摘蕊蓮露旋收  
珠小盞烹涓滴青光淺

淺浮

俯瞰僧歸寺微茫蟻附階過橋疑入澗轉樹忽登  
崖碧綠新篁果輕黃舊草鬆林深天欲暮風起作  
陰霾

樓有高於樹樹更迫於樓上下扶蕪碧陰晴戶闌  
幽鳥聲人語讓花氣日光道五月山秋逼僧衣裹  
作裘

雲

濃雲風不動薄靄片時過澤小含烟少山深吐氣  
多瀾漫遮大塊輕弱赴微波愛巧嫌癡重人情可

奈何

乳母詩

乳母費氏 先祖母蔡太孺人之侍婢也  
變四歲失母育于費氏時值歲飢費自食  
于外服勞于內每晨起負變入市中以一  
錢市一餅置變手然後治他事閒有魚殮  
瓜果必先食變然後夫妻子母可得食也  
數年費益不支其夫謀去乳母不敢言然  
長帶淚痕日取太孺人舊衣澣洗補綴汲  
水盈缸滿甕又買薪數十束積竈下不數

日竟去矣。燮晨入其室，空空然見破牀，敗  
几，縱橫視其竈，猶溫有飯一盞，菜一盂，葢  
釜內即常所飼燮者也。燮痛哭，竟亦不能  
食矣。後三年來歸，侍太孺人，撫燮倍摯。又  
三十四年而卒，壽七十有六。方來歸之明  
年，其子俊得操江提塘官，屢迎養之，卒不  
去。以太孺人及燮故，燮成進士，乃喜曰：吾  
撫幼主成名，兒子作八品官，復何恨？遂以  
無疾終。

平生所負恩不獨一乳母，長恨富貴遲，遂令慚慙。

久黃泉路迂濶白髮人老醜食祿千萬鍾不如餅  
在手

白門楊柳花

白門楊柳花飄飄陌上遊人互見招明璫翠袖車  
中手錦帶彎弓馬上腰少年何必曾相識好鳥名  
花天下惜妾住青樓第幾家映門桃柳方連刻家  
有水亭新綠荷東風不大生微波願得晴明好天  
氣郎來倚檻流清歌郎意溫勤自安妥郎情淡薄  
誰闕鎖陌上遊人盡愛儂儂得郎憐然後可

長干女兒

長于女兒年十四春遊偶過南朝寺髣髴纈髮拜  
佛遲低頭墮下金釵翠寺裏遊入最少年間行拾  
得翠花鈿送還不識誰家物幾嗅香風立悵然

長于里

墻裏花開墻外見羅門半覆垂楊綫門外春流一  
泓清青山立在門當面老子栽花百種多清晨擔  
賣下前坡三間古屋無兒女換得鮮魚供阿婆綠  
絲織繡家家事金鳳銀龍貢天子花樣新添一綫  
雲舊機不用西湖水機上男兒百巧民單衫布褐  
不遮身中原百歲無爭戰免荷干戈敢怨貧

比蛇

粵中有蛇好與人比較長短勝則嚙人不勝則自死然必面令人見不暗比也山行見者以傘具止冲蛇不勝而死

好向人間較短長截岡要路出林塘縱然身死猶遺直不是偷從背後量

脆蛇

是蛇易斷易續能治病無毒土人以竹筒誘入塞之焙以爲藥

爲製人間妙藥方竹筒深鎖掛枯墻剪屏有毒者

無毒究竟身從何處藏

紹興

丞相紛紛詔勅多紹興天子只酣歌金人欲送徽  
欽返其奈中原不要何



宿光明殿贈婁真人 諱近垣

老聃莊列人冲仙未聞白晝升青天五千妙義兩  
華詮虛靜恬澹返自然秦皇漢武心如烟騰空飄

幻無涯邊茂陵樹接驪山阡牧羊奴子來燒煎金丹服食促壽年元和大歷無愚賢我朝力掃諸從前錫翻藥竈流丹鉛真人應運來翩翩神清氣朗心靜專渾融天地爲方圓出入仁義恢經權藏和細粹歸心田有何燒鍊丹磨研有何解脫尸蛇蟬我來古殿夜宿眠銀龍金索搖星躔雕闌玉砌朝露鮮名花異草相綿連費民千百萬金錢有明事業諸所傳真人假寓心葉捐毀之重勞姑置焉子曰俞耶取便匪今逐逐還沾沾富而教之王政全萬國壽命同修延

天

破衲爲從祖福國上人作

衲衣何日破四十有餘年白首仍繾綣青春已結  
穿透涼經夏好等絮入秋便故友無如此相看互  
有憐

贈勗宗上人三首

蒼靄溪邊髻尚髻便拈荷葉作袈裟一條水牯斜  
陽外種得山頭十畝霞

髯公美似晉司空

謂青崖老人

識取雲間紫氣濃手把

千將日磨淬匣中抽出秋芙蓉

詩清雲淡兩無心人自青春韻自深好待菊黃重

九後萬山紅葉冷相尋

山中臥雪呈青崖老人

一夜西風雪滿山老僧留客不開關  
銀沙萬里無來跡犬吠一聲村落閒

紫瓊崖主人送板橋鄭燮爲范縣令  
萬丈才華繡不如銅章新拜五雲書

朝廷今得鳴琴牧江漢應閒問字居  
四廊桃花春雨後一缸竹葉夜涼初  
屋梁落月吟瓊樹驛遞詩筒莫遺疎

將之范縣拜辭

紫瓊崖主人

紅杏花開應教頻東風吹動馬頭塵闌干首肯  
嘗來少琬琰詩篇捧去新莫以梁園留賦客須  
教七月課函民我朝開國于今烈

文武成康四聖人

僧壁題張太史畫松諱鵬冲

畫背所揭紙案頭已敗華僧房坐無聊偶然作松  
骨松毛無幾許松幹頗鬱兀虬龍挺僵瘦脩虵歛  
出沒輕雲澹欲無奔雷怒將擊想當無意中精神  
不飄忽傍無指授人今作何體格胸無成見拘奉

擬反自失魯公坐位帖要以草藁得我音未嘗見  
僧粘在破壁及經驚歎奇千求不我錫此紙立即  
破裝潢事孔急吾求不汝強汝當真愛惜